



Notat

Dato: 14.09.2015
Arkivsak: 2015/1488-3
Saksbehandlar: marhaa5

Til: Fylkestinget

Frå: Fylkesrådmannen

Tiltak for minoritetsspråklege elevar på distriktsskular i Hordaland

Fylkesrådmannen viser til møte i fylkestinget i juni 2015 der Siri Klokkestuen fremja slikt spørsmål:

«Korleis ser HFK for seg å leggja til rette for norskopplæring for elevar i vgs som kjem som flyktningar til distriktskommunar i Hordaland?»

Fylkesrådmannen viser til sak 2014/22380, lagt fram for OPHE 11.11.2014 «Minoritetsspråklege elevar i Hordaland. Status 2014. utfordringar og tiltak.»

Vedlagt følgjer oversikt over minoritetsspråklege elevar fordelt på dei vidaregåande skulane i inneverande skuleår. Elevane er registrert etter eigne opplysningar om anna morsmål. Grunna lov om personvern er det ikkje høve til å registrere butid, dvs. når eleven kom til landet. Skulen vil oftast ha den informasjonen etter startsamtale/kartleggingssamtale ved skulestart.

Spørsmålet frå Klokkestuen gjeld i hovudsak tiltak retta mot flyktningar i distriktskommunar i Hordaland. Fylkesrådmannen oppfattar spørsmålet til også å omfatte innvandrarakar i same situasjon. Følgjande tiltak for minoritetsspråklege elevar i Hordaland gjeld generelt for alle skulane:

- Innføringsklasse – eit førebauende tiltak som kvalifiserer for inntak i ordinær Vg1. Tilbodet er avhengig av tilstrekkelege tal på søkjarar. I 2015 har 7 skular tilbod om innføringsklasse.
- Nettprogrammet i norsk – *Veien fram*. Programmet er gratis til bruk på alle skulane. Skuleeigar betalar lisens.
- Tilskot til særskilt språkopplæring etter opplæringslova § 3-12. Skular får tildelt midlar etter tal på elevar med enkeltvedtak om særskilt språkopplæring etter kartlegging. Skulen får ca. kr. 3.750 per elev per halvår.
- Digital leksehjelp i regi av Røde Kors. Tilbodet gjeld alle elevar, men er også nyttig for minoritetsspråklege elevar.
- Vg1 over to år. Skulen kan gi individuelle tilbod om Vg1 over to år for elevar med mangelfulle norskkunnskapar.

Andre tiltak som skal styrke tilbodet til minoritetsspråklege elevar generelt er kompetanseheving av lærarakar som underviser i innføringsklassar i Hordaland og lokal læreplan for innføringsklassane. Begge tiltaka er gjennomført for å styrke opplæringa av målgruppa.

Kompetanseheving av norsklærarar med ansvar for minoritetsspråklege elevar vil bli prioritert også i 2016.

Det er ei ofte ei utfordring for skular i distrikta å gi eit pedagogisk tilpassa tilbod der dei har for få elevar med kort butid til å opprette innføringsklasser. Fylkesrådmannen vil difor vurdere følgjande tiltak i skuleåret 2015-16 for å sikre eit best mogleg tilbod til minoritetsspråklege elevar i distrikta :

- Styrke kvalitet og tilgang på digitale læremidlar for minoritetsspråklege elevar
- Fremje bruk av nettilbodet «Veien fram», gjennom m.a. å gi tilbod om opplæring for nye lærarar på skular i distriktet som ikkje har tatt programmet i bruk. Dette er eit verktøy for tilpassa opplæring i norsk men programmet er framleis ikkje nok kjent og brukt i skulane.
- Utvide nettilbod i norsk for minoritetsspråklege elevar. Det er starta opp to grupper hausten 2015 med til saman 30 elevar. Tilbodet skal evaluerast juni 2016. Elevar frå distrikta som ikkje kan få tilbod om innføringsklasse kan prioriterast.
- Auke tilskot til distriktsskular med særlege utfordringar gjennom å differensiere tildeling av midlar til særskilt språkopplæring neste år.